

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj : 32 0 St 456497 23 St
Tuzla, 02.02.2024.godine

Općinski sud u Tuzli, stečajni sudija Vedran Milašinović, u postupku predhodnog ispitivanja prijedloga za otvaranje stečajnog postupka nad dužnikom „MERCERIA“ d.o.o. export-import Tuzla, ulica M. M. Dizdara, Stupine B-6, L-5, dana 02.02.2024. godine donio je slijedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „MERCERIA“ d.o.o. export-import Tuzla, ulica M. M. Dizdara, Stupine B-6, L-5.

Za privremenog stečajnog upravnika imenuje Alem Hodžić iz Srebrenika, Luka b.b.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjelenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Tuzla, radi upisa zabilježbe otvaranja prethodnog postupka.

Obrazloženje

„MERCERIA“ d.o.o. export-import Tuzla, ulica M. M. Dizdara, Stupine B-6, L-5, a putem punomoćnika Alena Gračića advokata iz Sarajeva, kao dužnik podnio je dana 04.12.2023. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 17.01.2024. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač „MERCERIA“ d.o.o. export-import Tuzla, ulica M. M. Dizdara, Stupine B-6, L-5, je dana 02.02.2024. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to; aktuelni izvod iz sudskog registra od 12.12.2023. godine, bilans stanja na dan 31.12.2022. godine, bilans uspjeha za period od 01.01.-31.12.2022. godine, godišnji izvještaj o investicijama za 2022. godinu, anex dodatni računovodstveni izvještaj za mikro privredna društva od 20.12.2023. godine, obračun članarine od 01.01.-31.12.2022. godine, izvještaj o obračunatim i uplaćenim vodnim naknadama za period od 01.01.-31.12.2022. godine, obračun naknade za korištenje, zaštitu i unapređenje šuma za period od 01.01.-31.12.2022. godine, izvještaj o obračunatom i uplaćenom posebnom porezu za zaštitu od prirodnih i drugih nesreća 20.12.2023. godine, posebni podaci o plaćama i broju zaposlenih uz godišnji obračun od 01.01.-31.12.2022. godine, obavijest o razvrstavanju od 20.12.2023. godine, izjava o primjenjenom standardu finansijskog izvještaja od 20.12.2023. godine, bilješke uz finansijske izvještaje 20.12.2023. godine, odluka o utvrđivanju finansijskih izvještaja od 20.12.2023. godine, godišnji izvještaj o poslovanju za period 01.01.-31.12.2022. godine, odluka o prijedlogu za pokriće gubitka za period 01.01.-31.12.2022. godine, odluka o prestanku poslovanja 17.05.2023. godine, potvrda Unicredit banke od 22.06.2023. godine i uplate predujma od 3.000,00 KM, predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 17.01.2024. godine, punomoćnik izjavljuje da je društvo je definitivno prestalo poslovati od 2018. godine kada je u sudskom registru utvrđen prestanak. Društvo nema zaposlenika svi su kod PU F BiH objavljeni osim lica ovlaštenih za zastupanje. Društvo je imalo samo jedan račun, a koji je blokiran od 2014. godine. Društvo osim dugovanja navedenih u pregledu prinudne naplate bankovnog računa nema drugih dugova prema trećim licima. Društvo nema bilo kakve imovine, nema nekretnina niti pokretnih stvari, niti novčanih sredstava. Društvo je obavljalo djelatnost kao auto škola, a poteškoće u poslovanju su nastupile zbog određenih ličnih okolnosti lica koja su vodila poslovanje. Predlaže sudu da odredi predujam i otvori prethodni st. postupak, a potom i stečajni.

Iz svega navedenog proizilazi da društvo nije u mogućnosti izvršavati svoje dospjele obaveze od momenta dospelosti u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje

stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.